

Փակ դուռը



Գուցե էմման կարող է օգնել:



ԶԱՆՔ

Էմբեր Հիլի

(Հիմնված է իրական պատմության վրա)

«Ապավինիր այն Հոգուն, որն առաջնորդում է բարիք գործել»

(Վարդապետություն և Ուխտեր 11 . 12):

Էմման ցատկում էր քարե մայթի ճեղքերի վրայով: Պայծառ, արևոտ օր էր: Նա մայրիկի հետ գնում էր մթերային խանութ:

«Մայրի՛կ, արևը որքա՞ն հեռու է», - հարցրեց նա: «Ես ստույգ չգիտեմ», - պատասխանեց մայրիկը: Էմման նայեց երկնքին: «Ի՞նչ ես կարծում՝ հնարավո՞ր է, որ մի օր արբանյակ թռնի դեպի արևը: Այն կայծակից է՞լ թեժ է: Ի՞նչ ես կարծում . . .»:

Մայրիկը ծիծաղեց: «Հարցերդ գնալով ավելի՛ ու ավելի՛ են բարդանում»:

Էմման նույնպես ծիծաղեց: Նա բազմաթիվ հարցեր

ուներ: Մայրիկը միշտ ջանացել էր պատասխանել դրանց: Դա պատճառներից մեկն էր, թե ինչու էր Էմման սիրում զբոսնել մայրիկի հետ: Էմման նայեց շուրջը: Տաքսիները սլանում էին քարապատ փողոցով: Մարդիկ հեծանիվ էին քշում: Շատ մարդիկ նույնպես դուրս էին եկել զբոսնելու:

Հետո Էմման նայեց փողոցի մյուս կողմը: Մի փոքրիկ աղջիկ նստած էր բազմաբնակարան շենքի դիմացի աստիճաններին: Նա կարծես լաց էր լինում:

Էմման դանդաղեցրեց քայլերը: Գուցե նա պետք է կա՞նգ առներ և օգնե՞ր: Իսկ միգուցե աղջկին ուզում էր մենակ մնալ: Երբեմն տխուր պահերին Էմման ցանկանում էր մենակ մնալ:

Էմման կանգնեց: Օգնության կարիք ունենալիս Էմման հիմնականում ցանկանում է ինչ-որ մեկի հետ խոսել: Հնարավոր է, որ *ինքը* կարող է օգնել:

Նա բռնեց մայրիկի ձեռքը: «Մայրի՛կ, տե՛ս: Ինձ թվում է այն աղջիկը օգնության կարիք ունի»:

Մայրը նայեց փողոցի մյուս կողմը: «Դու ճիշտ ես»: Փողոցն անցնելիս Էմման բռնել էր մայրիկի ձեռքը: Նա բարձրացավ աստիճաններով դեպի այնտեղ, ուր նստած էր աղջիկը: «Բարև», - ասաց Էմման: «Կարո՞ղ եմ օգնել քեզ»:



ՆԱԿԱՆԵՐԸ ՄԹՈՒՆԻՄ

Փոքրիկ աղջիկը հեծկլտալով նայեց նրանց: Նա ձեռքերով գրկել էր ծնկները, իսկ աչքերը կարմրած ու այտուցված էին: «Իմ . . . տան դուռը փակվել է, ես դուրսն եմ մնացել»: Նա հոգոց հանեց: Նա ցածր ու դողացող ձայնով էր խոսում: Էմման կբանաստեց նրա կողքին, որպեսզի կարողանա լսել նրան: «Ես չեմ կարող կարդալ», - ասաց աղջիկը: «Ես չգիտեմ, թե որ կոճակը սեղմեմ, որ ներս մտնեմ»: Էմման նայեց շենքի արտաքին պատին: Բազմաթիվ փոքրիկ կոճակներ կային: Յուրաքանչյուրի վրա անուն կար գրված: Կոճակների կողքին բարձրախոսն էր: «Կասե՞ս քո ազգանունը», - հարցրեց Էմման: «Շնայդեր», - պատասխանեց փոքր աղջիկը: Մայրը հերթով կարդաց կոճակների վրա գրված ազգանունները, մինչև գտավ այն մեկը, որի վրա գրված էր «Շնայդեր»: Նա սեղմեց այն:

Ջա՛նգ: Կոճակը բարձր զնգաց: Ապա մի ձայն խոսեց բարձրախոսի մեջ: «Շնայդերների բնակարանն է: Ինչո՞վ կարող եմ օգնել»: Էմմայի մայրն ասաց . . . «Ողջո՞ւյն: Ես ու դուստրս դրսում ենք մի աղջնակի հետ, որն ասում է, որ դրսում է մնացել»:

Աղջիկը արագ կանգնեց ու վազեց դեպի բարձրախոսը: «Մայրի՛կ, - ասաց նա, - ես չեի կարող գտնել մեր տան կոճակը՝ ներս մտնելու համար, և այս մարդիկ օգնեցին ինձ»: Բարձրախոսից հնչեց զարնացած ձայն: «Լենի՛: Ես կարծում էի, թե դու քո սենյակում ես: Մի անհանգստացիր: Ես հիմա իջնում եմ այդտեղ»:

Մի քանի րոպե անց դուրս վազեց մի կին: Աղջիկը վազեց և փաթաթվեց նրան: Կինը դիմեց Էմմային: «Շնորհակալություն, իմ փոքրիկ Լենիին օգնելու համար»: Էմման ժպտաց: «Դժվար չէր օգնել»: Նրանք ցտեսություն ասացին և աստիճաններով ներքև քայլեցին: Էմմայի ամբողջ մարմինը ջերմացավ: Նա մի հարց էլ մտածեց մայրիկին տալու համար: «Այդ աղջկան օգնելը հեշտ էր: Բայց ինչո՞ւ եմ ես այդքան երջանիկ այդ կապակցությամբ»: Մայրը սեղմեց Էմմայի ձեռքը: «Դա Սուրբ Հոգին է ասում քեզ, որ լավ ընտրություն ես կատարել»: Էմման ժպտաց: Նա ուրախ էր, որ կանգ առավ և օգնեց: ●

Այս պատմությունը տեղի է ունեցել Կենտրոնական Հունգարիայում: Հեղինակն ապրում է Յուտայում (ԱՄՆ):

